

摘藻堂四庫全書薈要

史部

欽定四庫全書薈要

史部

硃批諭旨卷二百十四之一


詳校官編修臣繆晉

欽定四庫全書薈要卷八千二百

史部

硃批諭旨卷二百十四之一

硃批郝玉麟奏摺

雍正二年正月二十一日雲南提督臣郝玉麟謹
奏為奏

聞事雍正元年十二月二十一日臣遵奉

諭旨酌帶官兵前赴中甸駐劄揚威塞外所有起程日

期先經

題報在案今於雍正二年正月初六日到中甸喇嘛
夷民數百餘人赴營叩見臣示以

皇上恩威命臣帶兵到此保固伊等地方至意觀衆百
姓感激情形出於誠實而恐懼之狀亦甚其喇嘛
頭人臣各重賞綢緞烟茶等物俱歡欣領受散去
至初八日十有餘人復來行營呈遞投狀情願歸
順

天朝隸入版圖呈開戶口名數並將羅卜藏丹津先年

給與各頭目之劄付八張投繳行營臣一面令其將地方四至並戶口清冊速行造報一面將中甸管官八柱金圭七里等給以外委守備劄付頭目等給以外委千把總劄付喇嘛給以僧綱司職銜其所繳羅卜藏丹津之偽劄臣當即差送督臣訖查中甸地方前雖招撫因用兵西藏軍務紛繁原未議及歸併今復呈投戶口繳送偽劄則夷民益深向化將來作何安頓俟撤師之後另請

睿裁本年正月十七日又准雲貴督臣高其倬咨稱准兵部咨開總理事務王大臣等會議令提督郝王麟帶兵二千名前往察木多揚威駐劄其中甸地方亦屬緊要著總督高其倬於總兵官內選擇一員帶兵五百名替郝王麟在中甸駐劄等因轉奏奉

硃批依議著速行欽此移咨到臣臣查中甸甚屬緊要總兵一員足資彈壓兵丁五百名稍覺單弱臣愚

以為中甸須安兵一千名始足以壯軍聲臣觀地理情形由中甸前進六七日至阿墩子地方乃係各處咽喉扼要據險此處須安遊擊一員帶兵五百名駐劄過阿墩子至察木多程途尚遠險要處所頗多必須預備兵丁五百名臣躡看形勢隨處安設又調麗江土兵二百名通事十名隨營遣用前後照應聲息相通臣即應援西藏而貼近雲南之地方可保無虞再自阿喜至瓦河原有臺站去

歲藏兵撤回已經檄調回營今臣既在察木多駐劄一切軍機皆關緊要必須照舊安設臺站除咨明督撫二臣外並飛催駐劄之總兵速赴中甸臣謹遵部議即日起程前往察木多臣蒙

皇上深恩畀以封疆重任今復奉

命提兵出塞凡有見聞微臣力所能為惟有竭盡血誠少報

主恩於萬一所有臣到中甸情形並奉

旨前進調遣官兵緣由合先繕摺奏

聞伏乞

皇上睿鑒施行謹

奏

覽所奏一切機宜料理周詳甚屬可嘉朕心深為慰悅
爾此番頗著勞績已諭明該部事平之後加恩議叙至
西海目今情形大局既定諒從此未必有大費心力之
處矣雖然仍須加勉加慎毋忽

雍正二年三月二十六日雲南提督臣郝玉麟謹
奏為奏

聞事雍正二年二月初二日臣遵奉

諭旨帶領官兵自中甸起程前赴察木多駐劄揚威先
經

題報在案臣出口之後即遣人於各處密探賊人信
息茲據各處差人陸續回抵軍營稟稱裏塘巴塘
喳呀天杜寨察木多等處四川現有官兵駐防地

方安靜惟差往擦哇岡之人抵營密探得擦哇岡
一帶有西海之人在奔打常川等處要馬匹硝黃
鉛子等物并據達賴喇嘛差至擦哇岡辦事頭人
哈浪巴暨營官順巴等專差投到番稟臣譯出內
稱正月二十五日有西海差人一名扎石到奔打
要奪奔打地方大話恐嚇百姓說青草出時西海
有兵前來番民甚是恐懼望大兵速進等語臣因
擦哇岡係進藏要路此處原無官兵駐劄與西海

相通羅卜藏丹津遣人由此路出來探聽軍情此
必有之事臣隨即派撥漢土官兵先命遊擊李君
賢等密示以擒拏賊人之法飭令兼程前往臣帶
領大兵尾隨趨程而行及抵阿墩子地方接奉大
將軍年羹堯令諭西寧大兵三次殺敗賊衆今探
聞羅卜藏丹津遁藏教拉木葫蘆若大兵進勦便
欲逃入西藏命臣四處探訪如遇西海諸賊欲逃
入西藏者即當截勦等因奉此臣已知擦哇岡奔

打一帶現有賊人是以兼程而進賊人不虞大兵驟至逃遁不及於三月初七初九等日在擦哇岡拏獲姦細賊人結松翁布等四名於巴樹地方拏獲賊人扎石等三名於處扎地方拏獲賊人托各司哈等六名以上共拏獲十三名臣逐一嚴訊結松翁布扎石布幾托各司哈托賴波羅阿麻禿敦魯汪琯等九名俱係西海遣來探聽軍情煽惑番夷之人臣詢明之日即將該犯等於擦哇岡正法

示衆至披得阿幾阿前楚兇等四名臣逐一嚴查
細詢實係本處之人因扎石等到此地方跟隨伺
候原非同謀准其保釋再臣統領大兵一路揚威
遠近聞風畏懼奔打至薄須常川一帶地方有四
百餘里其間黑帳房之人向服西海管轄今聞臣
到擦哇岡甚是恐懼疑惑臣乘機先遣人前往宣
揚我

皇上聖德神功中外一體之至意該夷民等喜懼交集

有木魯巴墩地方頭人素囊工波常川中地方頭人奔特之倉竹墨巴工卡地方頭人彌納等赴營叩見咸稱情願投順

天朝臣隨命開造戶口數目據開四至人數共五百五十三戶又據巴樹地方喇嘛處丕松井火頭扎機等投狀內稱我們原是達賴喇嘛的百姓被西海的人時常出來騷擾正無處告訴苦情今幸大兵到此我們願百年做

萬歲爺的子民等語據開戶口四至喇嘛一百八十名
戶口二百一十戶具有投誠番信共四張理合恭
呈

御覽查現在投誠之各地方向係擦哇岡洛龍宗營官
等所管臣仍令其照舊管轄并命守備李進帶領
官兵二百名暫行駐劄彈壓再營官順巴亢者泥
實屬盡心出力拏賊深為可嘉臣各加重賞併給
牌獎勵外合併

奏明所有臣抵擦哇岡拏獲姦細安撫夷民情由謹
繕摺專差千總捧齎馳

奏伏乞

皇上睿鑒施行謹

奏

覽奏一切料理安撫妥協之至朕深為嘉悅今青海大
局已定此後可免枕戈負盾之勞矣去冬值冰凍草枯
嚴寒之際諭調出口日期促迫汝及將弁兵丁不知如

何辛苦朕每一回思輒軫念不置幸蒙

上蒼護祐大功告成不日事竣旋軍永享安閒正有日也

雍正二年閏四月十三日雲南提督臣郝玉麟謹
奏為恭謝

天恩事竊臣遵奉

諭旨帶領官兵駐劄察木多於四月初三日到汛閏四
月初八日據臣齋摺千總回營捧齋到

聖主硃批奏摺併

欽賜臣孔雀翎子暖帽一頂貂皮二十張克食一匣丸藥一匣

御書福字一張又齎到永北鎮總兵官馬會伯回滇時皇上御筆特賜臣糾桓偉畧綾匾一幅貂皮八張寧綉三疋又領到

恩詔賞賜大緞四聯臣隨率領軍營將備弁員遠迎跪接捧至駐劄處所恭設香案望

闕九叩謝

恩訖臣跪讀

硃批欽奉

溫綸獎勵實切赧惶復蒙

賞賜尚方諸物夷漢稱榮旌旗生色臣自問何人膺茲
異數感激下忱實難言罄惟有竭盡犬馬血誠以圖仰
報

高深於萬一耳為此繕摺

奏謝并繳

硃批謹

奏

覽卿奏謝知道了路途寫遠此等奏謝之摺不必特遣人來或乘奏事之便或附題本齎進為是即朕硃批俟積至數件彙繳亦不為遲至若緊要機宜及特旨詢問之事則又當一論也

雍正三年四月初三日雲南提督臣郝玉麟謹
奏為奏

聞駐劄官兵情形上慰

聖懷事竊臣仰蒙

聖恩帶領官兵二十名駐劄察木多迄今一載屢蒙
皇上垂念將弁兵丁頻加

恩賞官兵莫不感激思奮臣思駐劄官兵月有口糧鹽
菜察木多食物價值雖貴兵丁關支折給鹽菜亦
足日用惟餵養馬匹草料出產無多未免價昂臣
與督撫二臣商酌接濟上年十二月督臣高其倬

撫臣楊名時布政使臣李衛仰體

皇上愛恤官兵之至意自臣以下或製送皮衣或捐給銀兩每兵各賞皮衣一件差員押解軍營散給今年三月又解幫臣盤費銀一千兩叅將遊守千把各幫銀六十四二十十餘兩不等漢土兵丁每名又賞銀二兩官兵飽食煖衣人人自勵踴躍歡欣臣恐上厯

聖懷理合繕摺奏

聞謹

奏

所奏知道了朕仍另有殊恩高其倬等原係實心任事之臣皆朕素所洞悉者

奉旨薦舉一摺留中

同日又

奏為營伍務在得人人材宜加鼓勵妄陳末議仰請睿裁事竊查雲南地界極邊民夷雜處武職雖無刑名

錢穀之責然必須熟悉地理情形諳練營務之員方能和輯兵民整肅營伍我

皇上明並日月滇省副叅遊擊員缺

特允原任提臣張國樑越銜

題補之請邊徼武臣人思奮勵惟是守備一缺荷蒙聖恩揀選年滿千總分發補用末職微弁仰煩

聖慮自必矢竭犬馬以圖報效但滇省自用兵以來現任營千把總人人用命有駐藏經年出口數次各

處邊情知之最悉者倘及時收用則人地相宜即
表率之官亦得收臂指之效臣愚以為揀選之千
總固所當用而營中之千總亦須間補請嗣後滇
省有守備缺出先補揀選千總一員後補營千總
一員臣與督撫二臣會疏保

題令該弁隨本引

見倘邀

俞允則邊地得人而士卒并目人人感激思奮矣是否

有當伏乞

皇上批示遵行謹

奏

此奏甚屬可嘉已有旨諭部矣

雍正三年八月二十二日雲南提督臣郝玉麟謹
奏為奏

聞事竊臣帶領漢土官兵二千餘員名駐劄察木多揚
威策應隨遣將備弁兵於各地方不時遊巡查訪

於雍正三年正月初九日據臣遣永北鎮千總張文遠遊巡蒙古揭雜處卡地方回營稟稱一路番民各皆安靜有西海所屬覓食蒙古男婦七八十人住在蒙古揭雜處卡彼地頭人正欲帶領前赴察木多投順

天朝適遇千總遊巡一同帶領頭目二人來營臣隨詢問何人部落二人名字據稟是丹仲部落因屬兔年八月內羅卜藏丹津與竹囊打仗差兩箇官帶

兵把我們一千家百姓裹來粟魯木地方住著被

裹百姓俱各四散我們二十多家百姓因沒騎馱

的牲口就在粟魯木地方住下屬龍年十二月有

雜處卡的人看見我們說如今察木多到了一箇

大官叫作提督在那裏安撫地方你們為甚麼不

去投我們聽見隨跟著他到雜處卡男人四十名

女人四十一口我們是窮百姓只求做主永遠做

萬歲爺的百姓名字一箇叫卡特之一箇叫敦佳等語

臣詢問確實隨重加犒賞命蒙古揭雜處卡頭人將卡特之等男婦暫行看管一面報明大將軍年羹堯作何安插去後四月二十七日准年羹堯咨覆內開丹仲所遺部落現有在松潘口外住牧者應令同歸一處已咨四川撫院酌捐盤費銀兩將卡特之數住男婦俟青草茂盛之時令其速回松潘口外與丹仲所遺部落一同住牧移覆到臣臣於五月二十二日派委營弁多給銀兩帶兵三十

名將卡特之等男婦赴青草茂盛之時押送起程
往松潘口外與丹仲所遺部落一同住牧訖續於
八月初四日據差弁帶兵回抵軍營稟稱已將卡
特之等送到彼處取有地方頭人密岡處之收明
信子等語今八月初六日准駐藏松潘鎮總兵官
周璵移咨於七月二十九日自藏起程赴察木多
臣俟周璵一到即帶兵由乍了巴塘一帶地方會
勘地界所有臣在察木多料理遣回卡特之等并

地方寧靜緣由謹繕摺

奏明伏乞

皇上睿鑒施行謹

奏

覽所奏料理甚屬得當知道了至查勘地界一事須悉心籌畫務期行之久遠萬全無礙方好周瑛到時與之和衷盡力辦理可也

雍正三年十二月初二日雲南提督臣郝玉麟謹

奏為奏明事竊臣遵奉

諭旨會同周瑛踏勘地界臣與四川提臣周瑛會勘得
察木多久歸四川自康熙五十九年用兵西藏以
來川省駐防官兵一切輓運夫馬番民甚是馴熟
且程途離雲南六十餘站離四川五十餘站而附
近察木多如擦哇岡洛龍宗類五齊碩般多等處
地方亦久屬四川徵收錢糧雲南勢難越界遙為
控制即番民亦復呼應不靈臣與周瑛會議察木

多自應仍歸四川方為妥便至臣於雍正二年春
奉

旨帶兵駐劄察木多揚威協勦西海所屬南稱巴卡索
媽蒙古揭畢利并附近小地土番赴臣營盤投誠
計二十七處臣節次造冊報明年羹堯并彙疏

題明在案後奉年羹堯令著臣就近委川滇兩省文
武查勘量其遠近秉以至公應歸何省管轄臣隨
檄行察木多兩省文武會勘確實去後隨又奉年

羹堯令行令奮威將軍岳鍾琪查明投誠各地方
應歸何省管轄據奮威將軍覆稱南稱巴卡索媽
蒙古揭畢利四處俱與四川相近應歸四川至於
小地土番皆係僻壤未經親歷應俟雲貴提督呈
覆至日仰請衡奪等因前來臣又據川滇兩省文
武會詳內稱會查雜處卡各地方皆與擦哇岡察
木多二處相近離雲南之中甸甚遠南稱巴卡四
處奮威將軍現議歸川而雜處卡各處與南稱巴

卡四處均屬相通卑職等會查各地方俱在察木

多之東北西北與察木多相通似應併歸四川庶

為畫一等情詳覆到臣臣據情呈報年羹堯在案

今臣與周瑛又復會查察木多既歸四川則南稱

巴卡并各處小地土番俱應歸四川便於管轄再

乍了離察木多七站為巴塘裏塘之要路而巴塘

裏塘係打箭爐之門戶久入四川版圖今應仍歸

川省臣與周瑛親至各地方會勘確實並無異議

抑臣與周瑛再查中甸貼近雲南而阿墩子為中甸之門戶其宗喇普為西奔子欄等處又皆與中甸相通應俱歸雲南實為近便易於管轄臣與提臣周瑛會查明白隨連銜具文移咨川陝督臣岳鍾琪雲貴督臣高其倬應聽兩督臣詳加確商會疏具

題今臣已撤兵回署所有奉

旨會勘地界理合繕摺繪圖恭呈

御覽伏乞

睿鑒謹

奏

朕已降旨於岳鍾琪命爾等兩省文武會議具奏矣覽爾此奏甚屬妥協大約與岳鍾琪意見相同

同日又

奏為微臣戀

主情殷恭請

陛見仰乞

俞允用伸積悃事竊臣一介庸愚荷蒙我

皇上特達之知由副將拔至總兵未及一載畀以雲南
提督任大責重蚊負堪虞到任後曾經疏請

陛見未蒙

恩准今臣已由察木多帶兵回署犬馬戀
主之心愈深且篤伏乞

皇上允臣赴京

陛見叩請

聖安俾微臣積悃獲伸邊地情形得以面奏臣之踴躍
歡忭迥出尋常萬萬也臣無任懇切待

命之至為此繕摺奏

聞謹

奏

爾兩年以來勞於國事今暫回滇可且休息數時聽候
朕旨況總督蒞任方新地方關係緊要豈宜遠離

雍正四年七月十三日雲南提督臣郝玉麟謹

奏為恭謝

天恩事竊雍正三年十二月十八日臣齎摺千總回署
捧到

恩賞臣貂皮八張雍正四年三月二十四日臣家人捧
到臣恭請

陛見一摺回署蒙

賜大福字一張臣俱出郊跪迎至署恭設香案望

闕九叩謝

恩祇領訖伏念臣知識短淺謬荷

聖恩畀以重任所辦之事皆闕軍務是以繕摺奏

聞廼蒙

皇上睿照仰邀

恩獎復

賜珍竒榮寵愈深悚惶倍切惟有竭盡犬馬血誠以報
主恩於萬一而已理合繕摺

奏謝伏乞

睿鑒謹

奏

覽奏謝知道了

觀爾全無漢軍頑劣習氣朕甚嘉之何有多謝但當加勉毋怠

雍正五年正月二十四日雲南提督臣郝玉麟謹
奏為微臣積悃未伸犬馬戀

主益切叩乞

聖慈恩准

陞見事竊臣於雍正三年十一月撤兵回任隨具摺叩
請

陞見荷蒙

硃批臣欽遵祇候但臣仰望

闕廷又經一載日盼

恩綸未蒙下沛我

皇上御極已經五載天下文武大小臣工咸得瞻
天仰

聖而況駕鉞如臣受

恩深重如臣且荷萬里巖疆而猶未聆

聖訓未請

聖安犬馬之私何能自慰今察木多官兵已奉

旨回汛滇省時和年豐地方人民樂業督臣鄂爾泰到
任已經一載事事仰遵

聖訓調劑得宜兵輯民安而臣之積悃未伸即飲食寤寐無時少息伏求我

皇上念萬里微臣戀

主之心益深且切

允臣所請俾臣得恭覲

龍顏面聆

聖訓臣之踴躍歡忭更出尋常萬萬也臣無任激切待

命之至謹

奏

烏蒙犛苗地方新定兼有安南立界之舉俱係創始之事全賴爾等彈壓綏輯豈可遠離職守且爾之來為欲聆朕訓誨耳督臣鄂爾泰乃朕之股肱心膂深知朕意之人汝但一一聽其指示相與和衷共事雖不來京即如聆朕面諭一般內外滿漢文武大臣中鄂爾泰實為目今第一良臣人各具有良心就爾意見以為何如寧不當視為模範而效法之耶汝若能如鄂爾泰之居心

以事朕則朕待汝亦必一如待鄂爾泰也設不如是則汝亦不能邀朕如是信任如是恩寵也諸凡務勉一誠字勉之勉之

雍正五年三月二十四日雲南提督臣郝玉麟謹奏為鎮沅地方平定首惡俱已就擒夷民漸次復業事竊照鎮沅夷賊勾通威遠猓黑放火焚燒府署殺害印官臣聞報之次即會商雲貴督臣鄂爾泰管巡撫事臣楊名時一面遣發官兵前往擒剿先

經奏

聞在案續據臨沅鎮協等咨報鎮沅惡夷縱火燒官盜
放監犯不法已極亟宜四路合兵速行撲滅隨經
各路分兵進剿先後掣獲賊人七名等因又准臨

此被

督臣

元總兵官孫宏本移咨據普威營叅將邱名揚稟
害之兵如有捐軀殉國可嘉之處當詳悉察明與
稱差撫之兵丁劉肇慶竟被殺害井民周國鼎被
督臣會商具題大加恩獎為是
其羈留把總何遇奇被陷不放四路官兵於二月

十四日會合直抵鎮沅賊衆各皆逃散惟革職土

府刀瀚之子刀輔宸帶領夷目刀沛等十數人迎接查勘城內僅存刀瀚之母數人百姓兩家并兵丁家口八十二名口現兵十四名隨發告示招撫

夷民十五六七八等日陸續招出二百五十八戶

此生

還之把總或有搖尾屈膝無恥之徒亦當詳察實

據嚴

被陷之把總何遇奇等始脫圍困十五日據刀沛等帶領刀西明刀西進齋府印一顆來營投獻總

兵官孫宏本亦隨抵鎮沅府確查為首逆賊將已

經拏獲之刀西明陶奔歸等嚴加扭鎖禁守行營

其未獲之刀如珍等分遣官兵嚴加搜緝業已陸續拏獲移報到臣查現在拏獲之要犯已五十餘人脅從餘犯一百餘人其未獲之犯現飭擒拏至剗去之鹽課已追出繳官吏民逃避者漸次復業但查元江普洱新平威遠一帶地方均係魯魁哀牢山箐向往各種猺賊雖設有土官土目然而撫禦失宜往往焚燒剗掠是以前督臣高其倬叅革威遠土知州刀光煥改土歸流安設文武督臣

鄂爾泰到任後亦將鎮沅土府刀瀚等特疏糾叅
改土設流查威遠鎮沅係新經改土地方猥賊惟
以刦殺為生若不趁此擒勦地方終難寧靜臣現
赴省城與督撫二臣面商凡不法夷猥務盡根株
使之懾服斷不肯姑息以貽後患至鎮沅地方

題請改土歸流尚未及安營雖撥有汛防兵丁力單
不能堵禦是以逆賊敢於狂逞臣與督撫二臣面
商善後之計俟酌議安設官兵妥後會疏具

題所有地方已經平定賊首悉已就擒緣由理合繕
摺奏

聞謹

奏

此事據鄂爾泰亦經奏聞皆因卿等公忠為國有以鼓
勵兵弁俾各奮勇報效之所致朕甚嘉悅至一切善後
事宜更與督臣悉心籌畫務講求一勞永逸之策而為
之可也

雍正五年五月二十六日雲南提督臣郝玉麟謹
奏為奏明事竊照奔子欄劃分地界喇嘛東珠扎什
頑梗煽惑情形經臣於雍正四年十一月繕摺奏
聞仰蒙

皇上至聖至明無微不照雍正五年三月初十日臣蒙
兵部劄付內開議政大臣會議得喇嘛東珠扎什
甚屬姦詭生事不可留在奔子欄地方應行文管
理奔子欄地方官員將東珠扎什拏送四川其郝

玉麟料理歸入中甸管轄者甚是作速行文總督
岳鍾琪照依郝玉麟辦理可也等因轉奏奉

旨依議欽此欽遵劄行到臣查東珠扎什臣未奉部文
之先據雲南駐防阿墩子遊擊報稱奔子欄喇嘛
東珠扎什於正月二十二日帶家人已往四川所
屬之巴塘去訖臣一面飛咨四川督撫提臣就近
查拏并請撥巴塘營官一人來滇管理割歸地方
等因移咨去後一面行知駐防奔子欄地方文武

并出示曉諭番民四月十四日據雲南委官管理
中甸原任劍川州知州楊正輔遊擊顧純祖詳報
內稱川省委知州張植守備張聖學將東珠扎什
帶至奔子欄會同傳集奔子欄其宗喇普等處頭
人喇嘛番民宣播

皇仁明白開諭化誨頭人喇嘛番民俱各悅服歸滇出
具永不滋事甘結并將改歸滇省等處地方勒石
定界訖其東珠扎什川省委員接奉川省督撫檄

拏赴省之文已將東珠扎什押解成都并撥巴塘
營官喇嘛羅藏洛竹移交滇省委員暫行管理割
歸滇省之奔子欄等處一帶地方各等情詳報前
來臣查東珠扎什已去奔子欄番民又目覩

聖諭俱各歡欣鼓舞心悅誠服願歸滇省而兩省委員
會勘勒石立界之處亦明晰妥當今巴塘已撥有
營官羅藏洛竹來滇仍舊管轄各地方則邊地自
可永遠乂安矣所有疆界分定夷民悅服情形理

合繕摺奏

聞伏乞

皇上睿鑒施行謹

奏

據奏川滇兩省立界明晰欣悅覽之善後事宜全賴用
得其人慎之毋忽

雍正五年八月初十日雲南提督臣郝玉麟謹

奏為密陳安南情形仰祈

睿鑒事竊惟安南一國自

本朝定鼎以後首先歸順臣服近因立界鉛廠河該國
王心懷怨望檢查誌典開化府之馬鞍山賭咒河
一帶離府治二百四十餘里原係

天朝疆土今安南私侵一百二十里我

皇上厚德深仁念彼國王恭順有年止立界於四十里
之鉛廠河實懷遠綏柔至意該國王理應感戴

聖恩益加敬謹不惟執迷不悟督臣鄂爾泰反覆開導

猶未猛省昨

頒發諭旨督臣差員送至開化府總兵臣南天祥差員
齋赴鉛廠關前往都龍令守關土目迎接該土目
黃文綏不即恭迎據稱馳報國王修寬大路然後
迎接等語臣思安南偏僻一區何敢慢違或係土
目不明大義彼國王竟未及知亦未可定果如土
目所言兩月為期敬謹來迎

聖旨臣又何言設延捱日久總不接

旨國體攸關臣等身任封疆實難隱忍擬即請

旨興師問罪今臣赴省會審與督臣鄂爾泰反覆詳細
籌畫興師動衆事關重大莫若再行曉諭開其自
新不動兵戈此為上策倘彼終始執迷則必須覆
其巢穴以為不臣者戒查進兵大路一由廣東一

由廣西一由雲南蒙自開化等處如果動兵必合
三省之師會剿彼國分兵牽制勢必瓦解臣與督
臣密籌飭令開化鎮臣南天祥整備兵馬不時探

聽動靜察其虛實議督標提標各備兵一千名於
各鎮協營挑備兵馬共成一萬再備土練三千派
臨元鎮臣孫宏本鶴慶鎮臣張耀祖分兵管領議
臣督率統領由開化一路進兵貴州議備兵五千
派安籠鎮臣蔡成貴管領督臣鄂爾泰駐劄達中
地方節制調度合數省之兵威而滅此小醜實有
不難也臣查鉛廠河立界之處離都龍關不遠各
處隘口甚多臣與督臣商酌必須親往查勘險易

情形臣現在輕騎減從潛赴蒙自開化邊界審視
閱看設或用兵則凡相通隘口皆當堵塞防備未
雨綢繆臣等身荷重寄敢不謹慎或探有情形另
行奏

間外謹繕摺專差標員捧齎馳

奏伏乞

睿鑒裁示遵行謹

奏

未雨綢繆備而不用則可興師問罪之舉朕意不然另有旨諭鄂爾泰矣

雍正五年九月十六日雲南提督臣郝玉麟謹奏為勘明邊界情形仰祈

睿鑒事竊惟安南不即恭迎

諭旨臣於雍正五年八月初十日密陳彼國情形并預備兵馬聲明前往開化蒙自邊界審視閱看緣由繕摺奏

聞臣即於是日起程於十六日到鉛廠關查得沿邊一帶關隘塘汛俱極嚴密民人安堵禾稻豐茂無比臣嚴諭守汛弁兵巡查毋懈又至臨安府所屬蒙自縣地方察看明晰於本月二十六日兼程回至雲南省城見督臣鄂爾泰備述一帶情形隨據密探人役稟報彼國並無多兵聞

天朝有備兵之說甚是惶懼臣與鄂爾泰復加斟酌又經推誠曉諭宣布

皇上聖德神威飛行開化鎮守關守備楊顯珍傳諭去
訖今於九月初八日據守備楊顯珍稟報據安南
宣光鎮土目黃文綏稟稱本月初一日夜奉本國
王回音內云

天朝覆載為心海涵其量本國王一心恭順始終不渝
今聞

天旨當委副都指揮使陳德厚就交界處齊整跪接迎
領等語轉稟到臣等督臣鄂爾泰隨飛諭開化鎮

臣南天祥守備楊顯珍傳諭土目陳德厚等務須恭設儀仗敬謹祇迎臣細閱該國王回音詞語懇切上凜

天威仰懷

聖德實有悔艾輸誠之意所有臣勘明邊界情形并據報該國王迎領

諭旨回音恐厯

聖懷謹先繕摺奏

聞謹

奏

朕惟恐因此啓釁致生事端則國家有欲罷不能之勢
今覽所奏朕懷深為慰悅矣

雍正五年九月十七日雲南提督臣郝玉麟謹
奏為奏

聞事竊臣於本年六月奉

旨會審鎮沅逆犯一案自大理府起程歷趙州雲南縣

并楚雄廣通等處至雲南省城雨水調勻禾苗豐
盛固已心慶有秋及至雲省躡勘開化之鉛廠關
所至宜良路南彌勒阿彌臨安蒙自建水江川通
海晉寧呈貢各府州縣正在收穫之際親見禾稻
茂盛無比及自開化回省據臣標中軍叅將稟稱
大理府

先農壇所植稻穀并民田禾苗有二穗三穗之異旋據
大理府知府陳克復將二穗三穗禾稻呈送督撫

二臣共相觀看慶喜非常并據鄂爾泰云今年
通省田稻二穗三穗不止大理一處臣恭遇

昌時欣逢嘉異不勝踴躍歡忭之至事關地方嘉禾
呈瑞情形臣謹繕摺奏

聞伏乞

皇上睿鑒謹

奏

覽收獲情形洵可為滇民稱慶也

雍正五年十一月二十一日雲南提督臣郝玉麟
謹

奏為飛報安南國迎請

敕書事雍正五年十一月十九日據開化鎮臣南天祥
咨稱雍正五年十一月初七日據本標署理中軍
遊擊王無黨右營守備楊顯珍等稟報本月初六
日午時安南國王差工部右侍郎阮仲義翰林院
待制阮逢時前來迎請

敕旨口稱本國備員外藩世沐

天朝太平洪福身受

聖主懷柔重恩鄂部堂控馭嚴仁撫提大人輯睦周摯
鎮帥整綏兼施以故中外肅清邊隅寧謐今蒙

皇上特賜

敕書仰見

聖主大造為心萬物一體本國君臣黎庶何幸邀此遴
遣陪臣小吏敬備龍亭儀仗結隊出關恭迎

聖旨是日午刻安南國工部右侍郎阮仲義翰林院待制阮逢時率領外郎土目六十餘人交兵三百餘名俯伏關前三跪九叩山呼

萬歲鼓樂彩旌迎進都龍關齋赴宜京等因除具文呈報督部院外相應咨報同日又准督臣鄂爾泰咨同前事並停止備兵緣由各等因移咨到臣竊照安南立界一事我

皇上懷柔遠人

特賜敕諭彼國即應敬謹迎領廼敢遲延時日

國體攸關是以督臣商酌備兵臣復潛往各處要隘
細察情形彼國土目人等覘知備兵之舉恐懼疑
惑隨據守關守備楊顯珍稟報該國土目黃文綏
奉國王回音差委都指揮陳德厚就交界處齊整
迎領並呈送差員接

旨印文情由經臣於九月十六日繕摺奏

聞嗣於十一月二十二日接督臣鄂爾泰錄示

皇上密旨又奉

硃批臣摺未雨綢繆備而不用則可興師問罪之舉朕
意不然另有旨諭鄂爾泰矣欽此欽遵臣跪讀之下

益見我

皇上聖明遠照寬大之恩天地同量臣逐一誦記於心
不敢稍有孟浪今據開化鎮臣南天祥咨報安南
國另差工部侍郎阮仲義翰林院待制阮逢時等
於十一月初六日迎領

敕旨該國君臣感激

聖主天恩詞語甚是懇切總皆我

皇上德威普被海隅日出之鄉無不沐浴

聖化仰戴

生成臣蒙

聖恩膺茲重寄惟有事事小心以盡職守仰報

聖主於萬一耳所有安南國差員接

旨日期理合繕摺奏

聞伏乞

皇上睿鑒施行謹

奏

綏服外夷遠藩理應如是但此事該國王遵奉領旨後
朕尚另有諭旨

雍正六年二月二十二日雲南提督臣郝玉麟謹
奏為奏

聞事竊照茶山所屬地方袤延千有餘里一帶夷民名

日窩泥性極兇悍且與交趾莽子老撾等國地界
相連聲息可通倚為援護罔知法紀截劫客商以
及拒捕傷害官兵等事毫無顧忌上年九月十八
日把總王朝選帶兵捕拏惡夷麻布朋等竟被傷
害督臣鄂爾泰就近調遣漢土官兵奮勇進剿臣
一面移行飛速前進一面選差解送藤牌火器等
項星赴軍前調景蒙營千總李萬春趕赴臨元鎮
總兵孫宏本營盤聽候調遣復差幹弁目兵接踵

偵探陸續據報此番進勦之官兵兵丁人人奮勇

爭先殺賊衆夷見官兵勢大俱各哀懇投誠首賊

麻布朋并伊妻子媳三名口業經拏獲其逸賊克

者老二及逆黨等獲日再報各等情通報前來臣

復密移總兵孫宏本并行副將張應宗叅將邱名

揚務將逸賊克者老二拏獲其餘安分守法夷民

悉加安撫令其各安生業外臣思茶山界連外國

逆夷肆行不法仰仗

皇上天威督臣鄂爾泰調度咸宜目今大局已定然必
圖善後之策邊境始得永遠寧謐臣因接奉部文
奉

旨雲南派兵三千進藏隨於本年正月初一日到省與
督撫二人會議即與鄂爾泰面商茶山事宜細加
斟酌彼地疆界形勢以及險要隘口分布汛防應
否改設郡縣必使頑梗夷人得沐

聖朝治化漸改舊習始為久安長治之計督臣語臣擬

親自前往因西藏軍務屬臣親行查勘督臣一面奏

聞在案臣即自省回榆由蒙化景東恩樂鎮沅新府前
汝乃封疆大臣所關甚重似此新定地方僅帶兵弁二
往茶山酌帶臣標遊擊曹士貴暨千把兵丁二百
百餘員名前往查勘殊屬輕忽之至向後不可凡百務
餘員名又督臣檄委大理府同知佟世廕隨臣前
以持重為要誌之

往即於二月初六日起程臣所過夷方府縣傳集

土司頭人以及夷民百姓宣布

皇仁并分別賞犒伊等俱各俯首歡呼臣細察夷情甚

屬淳樸一路田地亦多膏腴即順便訪問茶山大
局據稱茶山地方甚屬遼濶每年所產普茶不下
百萬餘斤鹽米牲畜俱係本地出產價值頗賤民
人食用俱足等語臣今於二十一日已抵普洱距
茶山地方六站俟到彼查明週圍險要各處地方
確實情形作何分布營汛并應否設立郡縣之處
容臣會同督臣鄂爾泰定議具

奏所有官兵擒勦窩泥情形及臣起程日期并一路

新設府縣地方吏情理合一併繕摺奏

聞伏乞

皇上睿鑒施行謹

奏

覽奏知道了此番在事官兵赤心報效奮勇爭先甚屬
可嘉但善後之策尤為緊要務須綏輯得法方收一勞
永逸之效全賴卿等慎重詳悉籌畫而為之如鎮雄烏
蒙皆緣措置失宜委用不當所以致生事端當為前車

之戒慎之毋忽

雍正六年四月二十日雲南提督臣郝玉麟謹

奏為勘明茶山情形並獲要犯緣由仰祈

睿鑒事竊照茶山窩泥不法一事臣於本年二月二十
二日業將官兵擒勦窩泥情形及臣親往其地查
勘要隘起程日期一併繕摺具

奏臣自省起程曾經督臣鄂爾泰密囑車里土舍刀
正彥姦險狡詐煽惑窩泥務須設法擒拏以安百

姓以靖地方臣隨兼程到倚邦行營詢之總兵孫
宏本云刀正彥狡詐百端屢調不出昨已遣發官
兵指稱搜拏賊黨稽查地方以便相機擒拏該犯
心虛膽怯聞官兵有渡江之信即行潛逃臣查車
里緊接莽子等國逃竄至彼將為後患隨一面寫
譚緬字鈴蓋印信行文莽子老撾等國不許容留
務須協力擒拏并嚴飭軍前將弁務將該犯擒解
又一面調集宣慰司刀金寶并土目夷民人等齊

赴軍營陳設兵威宣揚

聖主恩德莫不感畏踴躍俯首嚮化其在事兵丁俱屬
出力臣亦逐加犒勞即直進九龍江宣慰司地方
自思茅茶山至此夷民所住皆係竹樓名曰掌子
江形亦不甚寬然內外界限劃然攸分也臣到江
上時訪聞莽撾等外國其一種恭順畏懼之狀不
能言喻此皆我

皇上德威遠被是以邊徼夷民莫不咸遵法紀也臣因

刀正彥尚未擒獲隨又至橄欖壩該犯所居之地
察訪蹤跡實因外國不敢容留奔逃無路廼於三
月初八日據副將張應宗等報稱千總陳安邦等
於三月初四日在孟腊地方已生擒刀正彥并伊
子二名義子一名隨從五名將次解到臣恐途中
或有疎虞隨諭遊擊祝希堯督兵護解行營嚴令
官兵加謹押解赴省訖臣另由猛崙慢林蠻磚等
處復至倚邦普遠猛旺他箐思茅普洱元江一帶

細勘回省臣查車里茶山地方普洱思茅是其咽
喉九龍江橄欖壩廼係邊界藩籬緊接莽子界址
更有慢達等處五渡口在在關係緊要且一帶夷
民依附心切幅員甚屬遼濶宣慰司刀金寶實實
不能兼顧管理況地方所產普茶之外并有鹽井
廠務必須劃明界址布置全局安設文武彈壓治
理則頑蠢可化淳良邊疆永獲寧謐矣至於一切
應行事宜督臣與臣復委大理府同知佟世廕等

前往悉心查明俟回覆到日臣等從長再加商酌
妥協另疏會

題外所有臣勘明要隘形勢以及生擒刀正彥緣由
謹繕摺奏

聞伏乞

皇上睿鑒施行謹

奏

此一事實緣前佈置有方所以兇苗不致漏網甚屬可

嘉前於鄂爾泰奏到時朕已有旨諭部矣

同日又

奏為據實陳明事雍正六年二月初六日臣接督臣
鄂爾泰咨為前任鎮臣等事雍正六年正月十七
日准兵部咨雲南鶴麗總兵官張耀祖奏稱原任
鶴麗總兵官趙坤帶兵進藏曾代兵借過軍需銀
一萬一千九百三十三兩五錢恭遇

恩詔豁免此內趙坤侵蝕銀四千三百二十兩再查得

回師兵丁找支司庫錢糧內趙坤又用銀四千五百兩又跟役長支折給口糧銀六百二十六兩零今既查實理合奏明將趙坤侵蝕過銀兩仰請

敕諭追還滇庫等因咨會到

臣臣

細檢前案逐一察訪

查得此內情節原任鶴麗鎮臣趙坤代兵借過銀一萬一千九百三十三兩五錢內趙坤用銀二千兩遊擊李君賢用銀八百兩守備張有義用銀五百兩千總施善元何元李遇春李成林陳尚義楊

從林孫成宗七員每員用銀二百五十兩共一千七百五十兩通共用銀五千五十兩查此項銀兩實係官借原與兵丁無涉不在豁免之內自應追出還庫不應給發兵丁至張耀祖奏稱回師兵丁我支司庫錢糧內趙坤又用銀四千五百兩一項臣訪此項銀兩為造報進藏功加部費之用前任永北鎮標遊擊南天祥鶴麗鎮標遊擊王之臣原議鶴麗鎮出銀四千兩永北鎮出銀二千兩麗江

土府出銀一千兩共銀七千兩除在省備禮使用
及竊永二鎮差員人役盤費等項共去銀二千兩
其餘五千兩係原任永北鎮千總楊洪緒帶往四
川陝西同竊麗鎮差役用銀五百兩交提督岳鍾
琪銀四千五百兩作部費使用臣訪查前後情節
如此除咨覆督臣鄂爾泰聽候查追定議具
題外謹將查明情由據實奏

間伏乞

皇上睿鑒施行謹

奏

此事據鄂爾泰備悉奏聞朕經有旨明白指示令其料理完結矣

雍正六年五月十九日雲南提督臣郝玉麟謹

奏為奏

聞事竊照烏蒙所屬大關米貼等處界連四川巴布涼山所關緊要先經督臣鄂爾泰確訪險隘情形會

同臣等悉心酌議建設文武各官調撥兵丁分布
駐防合詞具

題在案詎有祿永孝之妻陸氏干犯

憲典抗不服拘因委副將郭壽域帶兵捕拏該將輕
忽大意致被勾通夷賊傷害官兵臣聞報之際不
勝憤恨因茶山公事未竣不得分身赴省嗣准督
臣咨開飛遣滇黔兩省漢土官兵並照會四川建
昌鎮星馳會勦合疏

題明臣茶山事竣回省密差目兵分頭前至軍前探
聽確情飛報隨據鶴麗鎮臣張耀祖咨稱統兵由
左路前進先奪其險要於四月初一日大兵至米
貼劄營賊已逃去初二日擒獲土人一名訊問陸
氏下落據稱陸氏同賊首立之戶吞逃往井底欲
奔壘上而壘上獍賊堅拒不容上壘遂踞住擂石
臺該鎮遣兵從後山而上鎗礮齊施殺傷夷賊六
十二名餘賊棄關而逃即於初三日遣遊擊等官

分路飛攻井底於四月初七日同右路叅將哈元生會合一日連破三壘直搗門坎壘賊巢圍困攻打陸氏堅守關隘不期哈叅將率領官兵從後路潛上猱賊驚竄陸氏同衆滾箐而逃哈叅將已派撥官兵極力搜勦本鎮又加飭催毋使兔脫但查黔省地界止至米貼而井底吞都門坎山廼四川地界呈請咨行四川嚴飭轉行堵禦等因又據哈元生擒獲川省德昌土司主文梁嘉楷即羅美山

訊供德昌千戶幫陸氏夷兵二百名明係黨惡呈
請移咨川省嚴拏究治等語當經督臣鄂爾泰一
併飛咨川省去訖臣於本月十八日准督臣鄂爾
泰咨據貴州威寧鎮呈報准鶴麗鎮咨開本年五
月初一日有夷人阿母及到營稟稱五月初一日
五更時分賊首水牛母機到夷人支歪那租家要
糧食被小的將伊細拏追問陸氏下落說在硎裡
藏著小的隨帶家人十名跟著水牛母機去拏陸

氏果然在石碕跟隨賊人四五名被小的拏獲二
名滾箐三名小的上前將陸氏拏獲交給官兵解
赴行營拘禁本職隨賞給阿母及銀五十兩跟隨
協拏陸氏夷人銀十二兩以示鼓勵等緣由具報
又經督臣飛行在事鎮將等官竭力搜捕務將德
昌立之戶吞等一千賊黨即行勦擒以盡根株等
因移咨到臣並據臣所差目兵星夜赴榆面稟前
情據此臣查陸氏女流何敢頑梗至此皆藉四川

土司德昌黨護并通涼山巴布夷賊干犯法紀今
陸氏已經拏獲賊黨不日成擒目前事局漸次底
定善後之圖必須籌畫臣在省會同督臣細加商
酌黔省米貼已議安設官兵或再量行添設自可
無虞由江外直達建昌一路川省並無營汛聲勢
隔絕恐此獍賊終屬頑梗必須將川省接壤黔省
米貼等處安設塘汛官兵使內外聲勢聯絡則川
黔地方俱獲寧謐已經督臣劄商建昌鎮臣趙儒

俟其回覆到日咨商川省督撫提諸臣等當再加酌議請

旨定奪所有官兵進勦米貼及拏獲陸氏緣由謹繕摺
奏

聞伏乞

睿鑒謹

奏

所奏以上事情朕業已早聞川省亦據奏稱米貼接壤

之不法兇苗如雷波德昌等土司當及時勦撫以圖善
後朕經有旨命川提黃廷桂親往調遣料理矣

雍正六年九月初四日雲南提督臣郝玉麟謹

奏為稟報事雍正六年八月初八日據駐防攸樂茶

山普威營叅將邱名揚稟稱本年七月二十二日

據駐防橄欖壩百總差兵楊顯明同客民劉之芳

等赴卑職營盤稟報有刀正彥向日管轄之擺夷

暨緬寺和尚於二十一夜裏放火將客民草房

燒著風急火猛沿燒刀正彥原住大樓致傷看守
兵丁擺夷聚集多人特來稟報等情卑職竊思檄
攬壩乃緊要之地逆夷如此不法應須預備隨整
頓本營兵馬並分調各茶山火頭堵禦防範去訖
陸茶山地方俱各安帖寧靜據此先於本月初一
日據駐劄思茅臨元鎮總兵孫宏本咨報赴省會
商安設營汛等事已經起程恐刀金寶年幼不能
約束不可不遣大員帶兵前往相機勦撫隨經督

臣

鄂爾泰飛檄孫宏本速回茶山臣即行調臣標

兵五百名令守備施魯元管領前至軍前聽孫宏
本調遣督臣又檄行永順鎮撥兵五百名由景東
一路前赴普洱會合並行順雲營派兵前往江底
地方遙為聲勢并示各鎮將方畧機宜於八月初
十日據叅將邱名揚稟為飛報擊敗逆賊事七月
二十四日有擺夷數百人各執鎗械等項聲言要
替刀正彥報讎卑職即督率弁兵迎敵鎗礮齊施

打死夷賊數十人餘盡敗竄又據千總燕鳴春到
營稟稱奉令差查刀金寶親向千總泣訴云檄攬
壩擺夷被緬和尚及刀正彥心腹叭護叭瞻等煽
惑逼脅要我同反我斷不敢聽從惟有一心報效
等語八月十一日逆夷聚集二三百到猛養又被
燕鳴春打敗帶傷逃去九月初一日又據邱名揚
稟稱八月十八日據千總燕鳴春探差回報夷賊
叭瞻等又煽惑附近檄攬壩之猛遮猛籠等處擺

夷同叛口稱要分路前來等語卑職於各要隘處
安設伏兵嚴整備并待敵各等情據此臣查逆夷
小醜本無能為一時被人煽惑原可不須多兵臣
與督臣再四熟籌因邊疆甫經歸附且夷性反復
不可不大張軍威以褫逆夷之魄更使遠近夷民
畏威懷德是以遣撥各路官兵往查確情相機行
事今漢土大兵雲集逆夷不日就縛俟具報到日
臣當另行奏

聞至一切安設事宜事定請

旨遵行所有據報逆夷黨惡不法臣等調遣官兵緣由
理合繕摺奏

聞伏乞

睿鑒施行謹

奏

鄂爾泰俱備悉奏聞矣善後事宜當詳審為之

雍正六年十月二十日雲南提督臣郝玉麟謹

奏為奏

聞事竊照檄攬壩逆夷刀正彥違悖

功令拒捕不法前經督臣鄂爾泰遣撥官兵業已擒
獲其黨羽緬和尚暨叻護叻瞻等煽惑附近檄攬
壩之猛龍等處擺夷不法又經督臣會臣分遣各
路官兵進剿以靖地方并屢檄臨元鎮臣孫宏本
統領相機調度經臣繕摺奏

聞今於十月初四日准鎮臣孫宏本及元江府知府遲

維璽等咨稟稱逆夷於九月初九初十等日聚集

千餘人突至叭泥欲來攻擊在營備弁等隨令衆

兵奮勇殺出賊人退散仍屯聚江上必俟大兵齊

集進剿殲厥渠魁淨盡根株以安地方等語據此

查逆夷煽惑夷民督臣先已計及業經會臣派撥

漢土官兵不下四千餘員名又經發給火礮器械

解送軍前接應自可尅期底定但鎮臣孫宏本才

具遲鈍不能應機勦撫臣再四熟籌與督臣細加

商酌緣茶山椒欖壩各處經臣於本年春間遍歷
要隘形勢稍為熟悉今議徵臣帶領官兵二千員
名於十月二十日起程前往適中之地駐劄調遣
若逆夷已定臣即會同在事鎮將等官作何善後
事宜細加籌畫移商督臣裁定庶邊疆永獲寧謐
矣所有椒欖壩逆夷情形及臣帶兵前進緣由理
合繕摺奏

聞伏乞

皇上睿鑒謹

奏

爾親往彼處相機調遣甚好已據鄂爾泰奏聞矣詳慎
為之專待捷音

雍正六年十二月初四日雲南提督臣郝玉麟謹
奏為勦平逆夷情形仰祈

睿鑒事竊照椒欖壩逆賊刀正彥以護以瞻等煽惑夷
衆燒燬民房恣肆不法督臣鄂爾泰授臣方畧囑

臣親往調度臣統領官兵二千餘員名於十月二十日自大理府起程經臣

奏明在案臣晝夜兼行於十一月初十日抵思茅准駐劄猛養總兵孫宏本咨稱承准督部院照會并准臣咨即撥官兵約於十三日攻取慢賴整板小猛崙橄欖壩九龍江等處臣隨於十一日自思茅即遣遊擊徐成貞帶領官兵六百餘員名指示路徑由慢薩等處過整空拉卡江務必奪取渡口去

後續於十三十五十九等日據遣發攻取慢額等處各路將備稟報官兵奮勇分路進攻賊徒俱各大敗逃歸橄欖壩衆兵乘勢追殺於十八日直抵賊巢賊見官兵勢大不敢拒敵盡皆逃竄各等情到臣臣即於十九日帶領官兵二十日抵橄欖壩查逆夷已渡整哈江藏匿臣即於二十一日親督官兵渡江奪取渡口賊人望風而逃渡口已得臣即在整哈扎營正擬策應九龍江官兵渡江進剿

適准鎮臣孫宏本報捷咨稱二十一日據遊擊郭佑民差人稟報遊擊徐成貞領兵自猛遮後路礮礮從九江大渡口對岸抄出卑職佑民即應礮自大渡口督兵過江夾攻賊人大敗逃散已經官兵駐劄地方悉平等語臣查江壩等處逆賊煽惑衆拒敵官兵大干法紀今太兵到處膽喪魂消不旬日間仰仗

皇上天威尅期底定現在嚴拏逆黨造意首惡斷難漏

網獲日解赴督臣察審定擬前因賊衆迫脅宣慰
司刀金寶同反金寶不從被賊衆擁挾前往猛混
臣即差彼親信夷目等再四開誠曉諭給賞招徠
今於十一月三十日刀金寶已回江上原處住所
至被脅夷民已諭軍前各官相機善為招撫去訖
臣抵壩之後陸續招出夷民五百餘戶節經咨報
督臣在案其招徠各寨頭目臣宣布

皇上寬大之恩傳諭人民各安生業并飭該目等管束

化導隨酌加賞賚俱各歡欣踴躍未歸夷民現在
源源而至所有地方一切善後事宜最關緊要鎮
臣孫宏本病瘧痰湧已於十一月二十六日身故
容臣會同在事軍前文武各官悉心籌畫咨商督
臣另疏奏請

睿裁所有勦平逆夷情形安戢一帶地方暨撫慰夷民
緣由理合繕摺奏

聞伏乞


皇上睿鑒謹

奏

覽奏深為慰悅在事將領兵弁俱屬可嘉之至具題到
日另有恩旨諭部施行其一切善後事宜爾與鄂爾泰
殫心籌計辦理務令妥協可也



硃批諭旨卷二百十四之一



總校官庶吉士臣侍朝

校對官編修臣馬啟泰

謄錄監生臣吳向仁